



Društvo za reviziju, finansijski consalting i vještačenje

Lacina b.b. (PC Vila Neretva), 88000 Mostar, Bosna i Hercegovina, Tel/fax: 0038736 551 383, e-mail: recom@bih.net.ba, ID broj: 4227680000009

ŠUMARSTVO „SREDNJE NERETVANSKO” d.d. Mostar

**IZVJEŠTAJ NEZAVISNOG REVIZORA O OBAVLJENOJ REVIZIJI FINANSIJSKIH IZVJEŠTAJA
na dan 31.12.2024.godine**

IZVJEŠTAJ NEZAVISNOG REVIZORA O OBAVLJENOJ REVIZIJI FINANSIJSKIH IZVJEŠTAJA

Obavili smo reviziju finansijskih izvještaja "Šumarstvo Srednje Neretvansko" d.d. Mostar (u daljem tekstu: **Društvo**) i to: Bilansa stanja sa stanjem na dan 31.12.2024., Bilansa uspjeha (Računa prihoda i rashoda) za period 01.01.-31.12.2024. godine, Izvještaja o gotovinskim tokovima i Izvještaja o promjenama u kapitalu za 2024.godinu.

Mišljenje

Prema našem mišljenju, osim efekata koji mogu biti posljedica dole naglašenih činjenica u osnovu za mišljenje, a koje mogu uticati na finansijske izvještaje, finansijski izvještaji za period poslovanja 01.01.- 31.12.2024.godine kao i finansijski izvještaji u kojim je prikazan finansijski položaj Društva na dan 31.12.2024.godine u ostalom dijelu, predstavljaju u bitnim elementima istinit i fer pregled.

Osnov za mišljenje

Društvo je već duži period blorikano od strane Porezne uprave F BiH i ima značajne obaveze po osnovu javnih prihoda (direktnih i indirektnih), a čije redovno neplaćanje ima za posledicu i obračun zateznih kamata. Kamate na javne prihode su djelimično evidentirane u poslovnoj evidenciji Društva, dok znatan dio nije evidentiran.

Dana 08.03.2019.godine pod brojem 02/6-2/III-16-16-7588-2/19 Uprava za indirektno oporezivanje BiH Regionalni centar Mostar je donijela Rješenje kojem je Društvo uvela u posebnu šemu za naplatu PDV-a.

S obzirom na visinu obaveza javnih prihoda i pripadajućih kamata, smatramo da organi Društva trebaju da donesu strateške odluke u vezi obezbjeđenja novčanih sredstava za plaćanje obaveza bilo prodajom imovine ili zaduženjem kod banaka, u protivnom poslovanje Društva u budućnosti može biti dovedeno u pitanje.

Društvo se nalazi u nezavidnoj situaciji tj. već je znatan dio osnovnog kapitala iskorišten za namirenje gubitaka, pa skrećemo Društvu na pažnju odredbe člana 8. Zakona o finansijskom poslovanju ("Sl. novine Federacije BiH", broj 48/16) kojim se uređuje praćenje i osiguranje adekvatnosti kapitala. Navedenim članom 8. precizirano je, da je Uprava dužna:

- poduzeti sve potrebne mjere da društvo raspolaže sa dovoljno dugoročnih izvora finansiranja s obzirom na obim vrstu poslovne djelatnosti,
 - redovno pratiti da društvo ostvaruje adekvatnost kapitala,
 - smatra se da je kod Društva nastala neadekvatnost kapitala, ako mu je na dan sastavljanja finansijskih izvještaja, gubitak iz tekuće godine zajedno s prenesenim gubicima dostigao polovinu visine njegovog osnovnog kapitala. Kod Društva je ostalo još vrlo malo osnovnog kapitala tj.nastupila je neadekvatnost.
- Smatramo da je neophodno po hitnom postupku donijeti sanacioni program, kojim bi se izvršila sinhronizacija interesa vlasnika kapitala i Uprave.

Kod Društva odnosi pozicija u bilansu stanja **znatno odstupaju** od idealnih iskustvenih odnosa, pa preporučujemo da se Društvo svojim politikama, odredi približavanju idealnim iskustvenim pokazateljima, odnosno da aktivno vodi politiku usmjeravanja novčanih sredstava približno u tekuću imovinu i dugotrajnu aktivu, kao i da obrati pažnju na smanjenje kapitala i povećanje tekućih obaveza.

ŠUMARSTVO „SREDNJE-NERETVANSKO“ d.d. Mostar -
Izveštaj nezavisnog revizora o obavljenoj reviziji finansijskih izvještaja

Ključna revizorska pitanja

Ključna revizorska pitanja su ona koja su bila po našoj profesionalnoj procjeni od najveće važnosti za našu reviziju finansijskih izvještaja tekućeg perioda. Tim pitanjima smo se bavili u kontekstu naše revizije finansijskih izvještaja kao cjeline i pri formiranju našeg mišljenja o njima mi ne dajemo zasebno mišljenje o tim pitanjima.

Odgovornost Uprave za finansijske izvještaje

Kako je izloženo na stranici 3., Uprava je odgovorna za pripremu i fer predstavljanje priloženih finansijskih izvještaja u skladu sa Međunarodnim standardima finansijskog izvještavanja.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj društva. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji. Pored toga, Uprava je odgovorna za čuvanje imovine društva, te za poduzimanje opravdanih koraka za sprječavanje i otkrivanje prijevare i drugih nepravilnosti.

Odgovornost revizora:

Naša odgovornost svodi se na izražavanju mišljenja o tim finansijskim izvještajima na temelju provedene revizije. Obavili smo reviziju u skladu sa opšteprihvaćenim međunarodnim revizijskim standardima. Ti standardi zahtijevaju planiranje i obavljanje revizije tako da ona pruža razumno uvjerenje o tome ima li u finansijskim izvještajima značajnih pogrešaka. Revizijom je obuhvaćeno ispitivanje, na bazi testova, dokaza koji potkrepljuju iznose i objavljivanja iz finansijskih izvještaja, Međunarodnim standardima finansijskog izvještavanja (MSFI) i Međunarodnim računovodstvenim standardima (MRS). Revizija također, obuhvata primjenu računovodstvenih načela te značajne procjene uprave, kao i vrednovanje sveukupne prezentacije finansijskih izvještaja.

Zbog prirode testa i drugih inherentnih ograničenja revizije, zajedno sa inherentnim ograničenjima računovodstvenog sistema i sistema interne kontrole, postoji neizbježiv rizik da čak i neka značajna pogrešna iznošenja činjenica mogu ostati ne otkrivena.

Reviziju obavio Ovlašteni revizor:

Mirasad Čorbo, certifikat broj 3090288212



Ovlašteni predstavnik Društva




Jasmina Čorbo Dipl ecc

Napomene uz finansijske izvještaje na dan 31.12.2024.godine su sastavni dio ovog izvještaja